

四庫全書

集部

欽定四庫全書

息園存稿詩卷九

明 顧璘 撰

五言律詩

都城春雪

白雪爾何意，經春猶漫飛。
節移青帝令，寒逼遠臣衣。
物態傷搖落，天心懼隱微。
客居愁不寐，開閣望朝暉。

答鄭禮部繼之

寥落混風塵，憐君意獨親。
同吟山郡雪，稍醉帝城春。
海月通幽思，宮鶯啞遠臣。
期尋石梁去，還待謫仙人。

同蔣參軍子雲七弟英玉登青龍山

躡履青龍阜，天虛四望幽。
山河吳楚檠，城郭古今愁。
杯就高雲瀉，詩臨怪石留。
多情紅葉樹，邀醉梵園秋。

同二子宿祈澤寺

寒宵宿古寺，愛爾且淹留。
忽向蔣生逕，仍登謝氏樓。
詞華依玉樹，行李敝貂裘。
為樂須閒散，那能待白頭。

龍女泉

神女乘雲去靈泉滿澗清蛟龍餘窟宅雷雨變陰晴樂
飲米浮葷勞歌對濯纓還期明月夜同聽珮環聲

古銀杏

突兀蔽庭戶長繩那可量掄材掩荆楚問歲失蕭梁雲
實時堪結雷枝半已荒離竒難爾用匠石轉神傷

畫胡

厯厯塵沙貌稜嶒怪爾殊寒雲纏毳服猛氣映虬鬚萬

里明王貢羣方混一圖追傷衰晉末無力斬休屠

夏仲昭畫竹

石瀨涓涓水風篁裊裊枝塵途貧見畫草閣夢題詩枕
簞橫秋薄樽壘過月遲蒼林殊可老朱紱果何為

聞邊廷實已有三男戲寄

商瞿四十後已有幾男兒滿目麒麟種驚人鸞鷲姿問
名堪屈指學語遂傳詩想像提携樂閨中卧每遲

贈陳魯南上陵

松柏西陵路詞臣冷節來衣冠瞻漢寢弓劍拜軒臺細
雨春山濕明星夜殿開年年揮淚地不得長蒼苔

與太史魯南遊西山二首

城闕三千界烟花一萬重漫乘金腰褭同玩玉夫容景
色傷心麗春光引興濃來遊乘暇日佳處合從容
淨域藏春遠羈遊出郭遲馬驕翻碧草鶯老宿深枝行
樂浮生夢風光故國思謝君催曉發垂老遂幽期

飯普惠寺

綠樹邀行騎，青山擁寺門。
不勞鐘磬響，久厭市朝喧。
解帶榆烟午，鉤簾竹日暄。
老僧鋤菜甲，隨意具盤飧。

登平坡寺

雲裏平坡寺，門臨碧嶂懸。
山河迴萬里，日月會諸天。
短杖扶吾老，空林續勝緣。
去城纔咫尺，渾已隔人烟。

飲普福寺泉亭

夏木雙崖合，寒流一澗紆。
雲高山路細，天遠草亭孤。
看竹無車馬，浮觴卽畫圖。
吾儕乘興處，不與俗人俱。

遊花巖洞

踏雲尋古洞，風袂晚颼颼。
花引三天路，山藏四月秋。
金黿扶殿閣，玉馬戲王侯。
曲澗東流水，滔滔入御溝。

五月四日二首

午日明朝是，愁添早閉門。
榴花新節序，芳草舊王孫。
望渴迴鑾詔，名虛賜扇恩。
幸除朝賀籍，高卧類江村。

客況無佳節，宸遊尚故京。
龍舟競渡遠，鶴髮倚閭明。
南苑愁移仗，西江望洗兵。
早聞班瑞罷，家慶拜昇平。

朱臨安僧舍榴花

北地花開少紅榴五月繁深叢偏弄色落日故當軒
白髮羞春事清尊惱客魂莫教人散後獨自憶家園

懷周太僕子庚

伯同脩王命東巡遽未回行臺卿月好誰與對啣杯
虎旅方揚旆龍媒正選才千羣閱清峻留盼及駑駘

送張含還永昌二首

去國虛春事還山戀月華鴻飛入烟霧龍卧傍泥沙
文

許諸儒列家憐萬里賒同臨嘶馬地愁思極天涯
漢道于今盛君才過古人少陵無近習靈運有前身
驚生殊種驂騮氣自神司徒真不忝朗譽接秋旻

台郡元夜

夜景團花市春愁豁草亭燈輪啣海月火樹迸林星
令節仍飄泊狂歌幾醉醒只思梅柳曲歸卧故園聽

春日病起十一首

抱郭青山麗侵門碧草長閑居悲物役病起惜春光看

竹仍扶杖臨花暫舉觴莫嫌多意緒蓬鬢已滄浪

治郡哀逾懶辭家病更悲清心五湖水歸路片帆遲絮
舞過閑幔蒲生滿故池丁寧踏青社已過落花期

一月攤書卷悠然識故吾久懷滄海釣猶繫赤城符竹
帛書能事丹砂却腐儒携家將白髮吹笛洞庭湖

幽興闕生物呼兒灌果園海風春易盛林日午增暄影
動葡萄蔓芽香枸杞根苦嗔鷄犬惡伐棘補離門

野情隨步履春色映羅衣樹彩丹青雜花香腦麝迷雲

踈吹片雨江迴動斜暉無限登臺興猶嗟足力微

谷口新晴景山禽滿樹懸翻飛清淺水葦噪艷陽天挾
侶爭巢鬪調聲學語妍稻梁須自愛林外有鷹鷂

迢遞燕京道音書海畔稀幾年勞按劍萬國憶垂衣彩
鳳梧桐老驂騮首啻肥中天看太白亭午尚光輝

久作天台吏虛招地主名雲深華頂色春遠石梁行藥
草傳神聖桃花脫送迎荒涼劉阮跡千古獨含情

盡攬羣松色聊分片石青風烟無萬壑天地此孤亭發

興含蕭遠吟詩動杳冥廢興他日事書記誤丁寧

三月雷猶伏愆陰奈爾何土龍行雨少海鳥避風多瘴癘
憂仍劇安危望非他尚餘朱紱在那忍議征科

自怪山中住邀人更寫山為期風雨夕長對戶庭間雪
片衝炎落花枝積歲斑殷勤謝真宰煙景浪相慳

歲暮

壠麥已青出春風隔歲回天時頻自換人事轉堪哀雪
少冬全熟雲昏晝且霾儻聞闕政理調燮望益梅

春雪

先臘望不至，經春何太狂。
弄寒遲麥候，積素妬梅粧。
客館孤裘敝，隣家蟻醞香。
今年好元夕，切莫負燈光。

陳中丞園

栢府辭朱紱，蓬山敞素襟。
樓前得湖水，庭際散園林。
霧閣穿龍窟，風箏咽鳳音。
花時多釀酒，能費幾黃金。

道院齊樹樓

梧桐高十丈，虛閣正相齊。
戶敞龍飛入，簷垂鳥下啼。
山

光開畫障人語落丹梯夜有遊仙到流雲濕暗題

輓程良用侍御二首

結綬為兄弟通家及子孫高才先見奪天道竟難言玉
樹光埋沒江潮氣吐吞傷心甬東水猶有未招魂
同年程柱史抱道邁時賢路絕青冥上身推白髮前聲
名天地老魂夢死生懸宿草芊芊遠空歌薤露篇

答徐昌穀博士

舊愛張廷尉今知鄭廣文高情踈法網麗藻播詞芬臺

省爾何戀交情殊有聞南樓望明月一倍惜離羣

會稽雜咏同周觀察作八首

滄海臨東極稽山建國標樓船三島路玉帛萬方朝
舊跡開王會清風徹使輶如聞窮徼外將獻越裳謠

勾踐城何處西施宅有村山靈銷霸氣春恨倚香魂
野鳥空啼血溪花不解言怒潮來往地應愧到吳門

王謝人倫表風流異代師能書垂典則高卧繫安危
古木圍碁墅寒雲洗墨池蘋繁何限意誰遣到荒祠

舊傳山水郡未到問奇觀禹穴靈文秘秦碑古篆殘夢
菟飛月下臺殿隱雲端愛殺長康語千巖秀色攢

莫惜無飛雪乘舟向剡中聚沙春鳥浴背日晚花紅書
卷追隨滿詩人賦咏工玉郎儻同載高興詎能窮

春草孤舟遠春波百頃開鏡湖猶在眼賀監不重來酒
換金龜去身辭玉署回文章真小技跌宕見高懷

城闕經營固山河控帶深絕憐南渡事非復上都心鐵
馬沉雲海銅駝委棘林祇餘今古限揮淚向登臨

十日山陰道青山應接重泛杯
虛酒興拂慢惱花容薄
領回回亂漁歌處處逢
支公如可訪捐珮入雲松

送陸進士伯載還京四首

明珠光照夜因爾歎才難
紀事金書秘尋真玉洞
寒衣隨行處敝劍就醉中看
去事天皇側攀雲坐紫鸞

古寺層巖曲招尋屢為君
石門通細徑江木冷遙曛
崛起真龍性幽棲但鳥羣
歸朝留舊跡泉壑借餘芬

路異行踪改交親別思多
替裾趨鳳詔絲竹瀉驪歌
古

道嗟翻覆清言寄切磋西湖他夜月千里奈愁何
禮就先朝典行縈故國思身將旌節返文動廟堂知准
擬留司草無勞賦采芝天光開鳳詔春水正漪漪

寄劉元瑞

茗水清如許憐君得洗心暫辭朱紱貴來卧白雲深芝
澗多靈藥茅廬一素琴王程愧余急相望阻相尋

和七弟英玉始遊天寧寺

古寺堪幽賞長歌醉却迴巖虛留晚照谷暗隱晴雷對

此忘晨夕誰能數往來池塘春草思還愛惠連才

雪中鄭少谷黃石龍過郡

大雪滿山城驚聞屐齒聲本非安道室真接剡溪情小
閣梅花笑寒燈林酒清相看興難盡樓鼓下三更

寄答孫太初

澗灩西湖水何如太白山南峰燒藥處石上錦苔斑寶
劍橫星氣霞漿換雪顏題詩投俗吏三復愧粗頑

禱雨志感一首

金史卷九
卷九
露禱周羣望靈威儼在茲黑風吹水互白雨夾雲垂喜
溢農夫稔恩沾造化私不才叨郡紱端合坐吟詩

東王存約司諫

司諫南遷日還家草木香海雲秋不散何處望潮陽奕
有高山樂辭無楚水傷唯餘青瑣夢萬里繞龍驤

雨中送王存約司東南行

千山風雨急離况轉蕭森柳色春難透梅花冷不禁誰
嗟行路險獨抱古人心瘦馬藍關句煩君細細吟

原書葉次誤號

--	--	--	--	--	--	--	--	--

息園存稿詩卷九

欽定四庫全書

息園存稿詩卷十

明 顧璘 撰

五言排律

丙子元日於郡齋作四十韻

南紀江潭遠東風節序移
流年傷久客多病負明時
稼穡功何補鶯花興匪宜
嶺梅虛照眼江柳莫搖絲
憶昔為郎日承親樂在茲
都城依斗極畫省綴雲司
祿米供

調膳家園奉杖藜閒情潘岳賦燕喜魯人詩棣萼連庭
發槐陰拂地垂書編長枕藉酒尊亦淋漓契合多良友
招搖慰所思聲華傾坐重精白寸心知松檜寒逾勁驂
騶老不羈已堪徵道義况更得師資西漢才方盛東周
夢豈哀立談期化理傾倒絕猜疑中路罹多難專城試
一麾梁陳高賦壘河朔走征旗苦乏勤王略空懷報國
私援抱臨矢石飲血撫鰥嫠僅免投豺虎方思伴鹿麋
愚蒙仍觸法覆載本含慈斧鑕逃輕典丹青發朽姿恩

波仍五馬竄地異三危水鏡開城觀星躔壓地支國風
饒比興民俗重耕犁桃李水居人樂華胥帝載熙頤容山
簡醉未釋賈生悲信美非吾土浮名已後期形容麟閣
遠羽翼鷄圖早即事驚華髮無堦叩赤墀大懼菽水野
性一茅茨納履思投足談經得解頤文章關不朽氣格
許誰追能事輸前列洪鈞貴自持陶鎔無物類渾樸斷
人為郁郁希游夏勞勞去管伊行藏俱自得筋力豈空
疲細雨衣襟淨深山卧起遲時尋老漁父同釣楚江湄

送蕭侍御提學南畿得於字

杜史巖廊秀高名迥不虛融心標禮樂麗藻潤詩書騁
驥鞭何力屠牛刃有餘一飛橫憲府累疏拔皇輿蹇諤
驚劉向精深仰衛蘧周南分節鉞孔道賴菑畝宿霧披
先路文星下直廬英流從妙選代理屬端居時雨三千
外長風九萬初神清衡鑑徹心遠簡書踈士習非鉛槧
人倫自里閭醇儒終得效直道果誰譽五月西都餞金
盃膾白魚三江南下舫瑤水艷紅渠良契芳蘭密新詩

爛錦如迂踈叨末照何以答相於

遊張公洞

風雷開洞府傳自赤烏年峭壁斜傾地盤雲半覆天林
抽千挺筍池綻九華蓮螺殼迴旋入蜂房芥蒂懸虛窗
通白日奧室聚蒼烟石髓滋瑤藥丹爐閉雪鉛吳山唯
此勝張老是何仙輕舉應霞外冥搜破物先緬余問桃
水遂爾涉芝田憇澗心方寂尋真興已偏步凌青嶂出
杯倩紫雲傳落景幽襟積飄蓬去路牽永懷冷大藥從

此謝塵緣

溪南別業

數畝溪南墅林塘盛物華
逍遙居帝里詰曲轉仙家
菘竹春稍竝梧桐夏葉遮
高人拜竒石公子送名花
大隱宜居市清吟屬退衙
望中雲嶠近醉後葛巾斜
池繫山公馬林藏邵子車
暢情酬日月拓地占烟霞
雅抱元無累浮生詎有涯
平泉多節目梓澤漫豪華
祇取祛塵俗無勞後代誇

贈嚴太史

皇風振休藻夫子播清芬興洽山水際心將賈宋羣市
朝思大隱封域藉高文講幄虛懷切諸生待問頻古稱
無善義衆擬上公勲莫學桐江叟終身遠漢君

壽許冢宰

肅肅羣公表經綸協大猷高名懸白日正氣凜清秋遷
謫君臣分安危社稷憂孤忠排衆楚遠夢戀東周郡化
餘波溢軍容古法脩遲遲登汲黯侃侃見韓休薦德輿

情共圖王廟略投艱難支厦木契合濟川舟赤舄星辰
近文袍彩翠浮殊恩霑賜予庶品屬甄收禮樂恢天步
岡陵邁海籌詞林森玉樹鼎位入金甌柱石人方倚丹
青地已優願乘川至運千載奉宸旒

送田景瞻赴寶慶

漢署論交日周京樂化年春臺調玉燭清廟協朱絃北
斗樞衡正西都德政偏昇平歌有慶典雅見多賢自忝
蚊虻質俄隨鷓鴣鷺肩斷金深契合奉玉慎周旋各對黃

生耻貧逢鮑叔憐經綸精化理藻鑑表官聯默默長埋
采寥寥獨守玄知音空四顧立德眇孤騫漫以文為友
還因靜擬仙飛觴臨水飲下榻對花眠雪苑相如賦春
江太白船高情隨曠達盛事足留連喜接披心槩驚違
握手緣明庭鸞詔下大郡虎符專聚散浮踪別施為宿
望懸萬山分楚道五馬下湘烟問俗悲填壑推心戒察
淵艱難三戶後悵望九疑前江漢東周夢風波弔屈篇
古人應已矣吾道固依然即事看龍劍臨分贈馬鞭餘

春生客路積雨間離筵腸斷雙輪轉神馳尺素傳丁寧
兩鄉月好向望時圓

送費學士南試還朝

拜命臨黃閣趨程下赤墀徵才承漢典奉使詠周詩禹
甸今王重郊林夙望宜龍光占劍出漢影見槎移藻鑑
涵羣品文章得主司朱衣窺暗燭黃絹獎高辭愛國唯
崇雅和衷更絕私淚削荆客玉囊脫趙人錐物論歸華
袞皇恩動錦旗禮卑門士仰興遠地靈知謁聖瞻龍阜

懷賢訪鳳池山河佳麗色井邑太平規行紀傳詩卷離
心對酒卮城迴秋草遍江迴暮潮遲省俗舟沿汴歸朝
佩陸離相將南浦上空有折麻悲

輓白司寇

代王中丞作

海嶽當昌運星辰降碩賢弓裘門下族龍虎榜中仙早
擢留都輔初從瑣闥遷諫行焚草札政洽示蒲鞭大道
風雲合清暉日月懸西臺分節鉞東海靖塵煙地峻忠
逾著天高眷獨專股肱三聖寵帷幄六師權雅量涵羣

品仁風動九淵論全攀檻吏才省治陵錢借箸籌邦計
乘橈道運川公才蕭相國使節杜延年執法尚書省陳
經太子筵麒麟騰賜錦鸞鳳翥封箋疾病君王問勲名
儒子傳典刑存柱石契合應薰絃老乞閒身退歸持御
墨鮮煙霞貽鑑水花竹訪平泉菱美家依港未登義在
田親知疏傳會詩酒白公禪灑落尋園綺逍遙問偈佺
年拋紅日外夢斷白雞前化鶴仍歸島騎箕更上天池
臺餘月榭旌旒展霜鉛樹冷徐君劍江空范蠡船聖朝

隆具禮史閣綴新編馬鬣孤峰聳龜趺萬字堅始終公
事定生死故情憐莫聽山陽篋臨風正黯然

詠雪和徐黃門宣之

密雪先春落長風匝夜吹亂拋和霰急緩舞下雲遲響
散樓頭瓦光搖殿角愚澤堅龍背冷樹重鵲巢危梁苑
初迎客周田遂及私清嚴天獨賦皎潔物難移表瑞恒
居臘憎炎不附離凝華承賞鑒知止釋窮悲地下齋蝗
避山中越犬奇顏心幾欲化孔德竟誰緇入野親篋笠

臨軒逐履綦論功霖可竝望景月還宜肅氣收玄律豐
年愜素期騷人蘭儷曲穆后竹申詩郢唱今稱絕廢成
愧與持

定上人院內竹

定公庭內竹雨後色逾新細韻無僧梵涼陰助酒神脩
纖搖翠羽瀟灑辟紅塵盡日對君子別家逢人去米
期結夏休厭扣門頻

喬衡州母夫人

慨息夫人節艱危烈士心盛年孤影立中路百憂侵淚
苦惟啼血兒嬌況在襟機絲秋壁靜篝火夜堂深突爾
看紆紫終然慰脫簪金珠收寵數閭閻正規箴轉嘆君
臣際空為板蕩吟

湘中送榮老還永寧寺

搖落三湘外經年愛爾來故人書摠至異域眼俱開放
逐憐親友悲懽向酒杯衲衣經雨暗橫笛伴秋哀試問
尋風洞何如對鳳臺寺幽詞客滿松古老師栽夢寐唯

吾土羈縻愧不才江山孤興減瘴癘暮顏摧
澧浦難捐佩龍門異曝腮相看移去棹轉見
脫塵埃烟水滔滔地隨緣易往廻

高司寇義塾

聖代人文備名家義塾脩先公垂典則奕世行
弓裘禮自儒門有規仍古道求移風期至魯
設教慕從周造物開靈秘揆方協遠猷山川
劃增勝堂構煥相繆子姓青衿集詩書素業
流光儀歌振鷺異種躍驂馱瑚璉須追

琢丹青豈贅疣有才終大用唯哲善貽謀禮樂闕王化
貧窮匪士愛頗聞絃誦習今已遍東甌

七言排律

上喬司馬

北斗樞衡控上都南臺司馬擁兵符河山地正乾坤位
雨露春融造化鑪分陝雅推周有道戍江應笑晉非圖
朝廷白髮元相倚寰宇蒼生望已蘇幕府訐謨趨老将
錦堂觴咏列文儒心當大任何曾動身致昇平得自娛

謝墅賭碁花正好
秦淮吹笛月同孤
王風竚聽歌麟趾
公子振振見玉顛

息園存稿詩卷十

欽定四庫全書

息園存稿詩卷十一

明 顧璘 撰

七言律詩

寄和趙戶曹叔鳴西寺游矚二首

水香花氣鳳樓西宿雨初晴御苑泥
萬里曉含蕭寺暗五雲春壓漢宮低
行經繡陌啼鶯滿迴望蒼郊遠樹齊
獨念江南愁病客竹窻斜月卧聞鷄

遠公精舍禁城西
波水芹香紫燕泥
齋鼓迴依雙樹起
禁鐘清度百花低
春陰海日光猶薄
地冷山萱葉未齊
向晚繡旗盈輦路
競看公子鬪回鷄

同潘朝貢分山題寺壁

江城南畔擁羣山野寺蕭條萬壑間
客逕遠隨寒澗入
禪扉長倚夕陽闕
澄潭氣冷游龍伏
隅地冬深健犢間
擬結靜緣嗟未得
小橋羸馬共君還

卧病寄京中諸相知

滄流翠嶽故城隅
寂寂門無御相輿
霄漢獨懸歸後夢
風塵誰寄病中書
春花遮映溪船遠
秋水平搖草閣虛
泰時侍臣休薦引
恐無詞賦擬相如

鄒水部監真州水利出餞不及因寄

桂楫夷猶綠水潺
離亭尊酒香難攀
江頭別恨逢涼雨
天外詩情見遠山
驛馬深秋迎客健
庭花清晝對人閒
遙知覽勝多新咏
好慰柴門病客顏

吳門懷古

南眺荒原思惘然闔閭城古澹蒼烟吳宮已沒彈絲處
胥渚猶傷賜劍年渺渺晴湖浮遠岫萋萋春草下平田
長洲廢苑那堪問落日祇餘麋鹿眠

送徐憲僉成章飭兵河南

棘天蜚騰慷慨名外臺風紀望澄清龍章獨擅三司寵
虎竹兼分一郡兵河水東浮通故里嵩山西起作長城
到來申伯遺靈地秋日蘋香野廟晴

代輓程公子

青春提劍逐輕車料敵非徒讀父書李廣有功終不賞
馬援多謗欲何如蠻方霧雨孤生後故壘風雲百戰餘
安得漢家思舊業為開烟閣寫新圖

清公山房

斜日高臺霽景鮮共超塵界望諸天虛檐直架長松外
古塔平臨落鴈前野燒山河千劫地秋風禾黍萬家田
巖僧閱世頭今白端坐蒲團說往年

元夕和湯將軍

皇州春色媚良宵燈火光連十二橋佳麗山河元自美
昇平歌吹晚偏饒十門皓月迎人轉九陌穠花映客嬌
遙想宸游清禁裏陽和先得應雲謠

答徐昌穀

十年書札阻交親忽枉篇章轉愧人何日行臺堪倒屣
殊方離恨久傷神楊雄摠畏才難敵王翰還要晚共隣
肺病一春拋酒盞問奇虛負故園賓

憑虛閣送劉元瑞入浙校書

畫閣虛明瞰遠空
高秋釀酒對長風
青蓮法界炎蒸外
碧草離心悵望中
年少說詩推子夏
家貧好事羨楊雄
歸依自是諸生願
莫以周流嘆道窮

述謝陳亮之邦伯時自廣平被召

銅章叨拜庶官中
先達從君見古風
鄉誼每勞開閣待
民情長許置郵通
才踈謬得淮陽召
身在應懷鮑叔功
已幸枳棲能脫跡
唯於離索嘆西東

匹馬今為赴闕行
腐儒初荷一官成
圖書向客翻多累

城郭今年自有情
隅地桑麻歸昨夢
訟庭槐柳識平生
堪憐少小逢明主
未有前朝卓茂名

都下送史禹臣赴南臺

草深洲渚鬱蒸天
南客移舟曉漲前
庭下學詩懷往日
臺中持簡及芳年
家支月俸供調膳
手采鄉風進奏箋
為說里門諸父老
競看車馬過昇仙

同劉考功送乃壻姚秀才畢婚還成都

羊車擲果見潘郎
鸞鏡同飛得孟光
采服辭家初作客

金屏移席並還鄉東遊文物周京盛西去風煙蜀道長
冰玉已看人共羨門楣今更待君強

卧病寄錢元抑

潘卧愁多病不禁南樓高枕獨長吟懷人更度西風節
望遠徒傷故國心芳草捲簾空暮色亂山回首正秋陰
遙憐積雨凋新稼歲計應資賣賦金

贈黃刑曹

楚水東來望舊京參差宮闕麗秋晴城隅古寺行應遍

湖上青山畫不成官注閒曹如寄隱地餘王化好明刑
南川况與慈闈接早晚吳船得送迎

喬奉常席上次韻別諸君子

別館張燈二鼓聲詞林觴咏接高情羣龍喜奉雲中會
匹馬愁分雪後程春盡鄉書先鴈到山寒歸路怕風生
江南回首瞻依地明月蒼蒼滿帝京

壽羅處士

芳草閒雲伴歲華曾無名姓到公家陳君坐擁兒孫盛

費老壺懸歲月賒金檢秘文垂薤葉玉樽春酒浸桃花
東風散滿粉榆社處處看山到日斜

得郭侍御魯瞻書

豸冠高卧賦閒居海上青山入座隅歸去棲遲唯一壑
春來消息有雙魚籃輿傍水尋僧寺茅舍垂簾看道書
聞說申生方注易莫教門外候安車

答何舍人仲默

嚴城寒夜共聞笳馬首西來客路賒落景離心臨碧草

故山幽興繞黃花
高歌舊憶燕京市
多難今逢洛水涯
到處交親爭下榻
魯人元自敬東家

送王侍御子衡巡關中

經過故國逢迎處
忽憶先朝宴樂時
此夕寒樽須盡醉
明朝岐路又相思
風光不改長安陌
草色應連太乙祠
行部豈唯山嶽動
知君幽賞盛文辭

送莊伯仁還彭城

千山積雪映朝暉
匹馬東歸舊路微
梁苑樓臺行處盡

輞川圖畫眼中稀
兵戈滿地愁
看劍桑梓何年對
掩扉
懷抱向君輸
未得玉壺清酒重相違

送時將軍平蜀寇

百戰曾聞靜虜塵
七擒今見破黃巾
蠻方帥印提金虎
內殿恩袍刺玉麟
萬里風煙歸指顧
一生忠義屬艱辛
雲臺擬畫封侯像
銅柱無勞羨古人

和少傅陳留公夏日野庄卧病之作二首

茅齋寄在古城邊
堂下猶存舊硯泉
芳草閒門無俗駕

亂鴉踈柳對秋天，艱危周勃安劉後。
慷慨溫公入洛年，聖主賜金堪養老。
故山醇酒且安眠。

聞道裴公返近郊，野堂瀟灑自誅茅。
城隅古道人孤往，門外新松鶴已巢。
京洛上公時問訊，江潭漁父或求交。
向來丹轂非吾願，白首談玄任客嘲。

贈臧懷慶瑞周

海內爭傳國士風，梁園傾蓋意何窮。
已聞德政過黃霸，更愛儒宗自魯公。
客久授衣秋色裏，夜寒彈劍月明中。

離愁祇隔長河水莫遣雙魚恨不通

早秋日宴宗伯喬公宅

南宮新第早秋涼東閣延賓逸興長
蓮薦碧房浮玉碗梧飄黃葉下銀床
孟堅奕旨精玄理逸少詩筵重罰觴
暫向門牆依北斗預愁飄泊向炎方

代范祖教酬朱青州

海內朱輪俱赫奕下賢誰是信陵君
能將直節全元亮肯以私交負孺文
古道分明如皎日世情翻覆祇浮雲

酬恩獨有詩堪寄極目青齊鴈影分

寄寶應范老

竹杖紗巾映白頭淮南耆舊讓風流身閒對酒忻無事
禾熟逢人說有秋花塢雲香歌扇動鷺湖天晚釣船收
憐君住處堪乘興擬傍清溪共飲牛

和趙金華叔鳴除夕早朝

紫極開春御氣清青陽臨午聖顏明風前羽葆搖龍影
雲裏簫韶下鳳聲蕃使總陪端笏列近臣長傍禁堦行

腐儒謬接專城寄慙愧米朝朱紱榮

元日早朝呈同覲諸君子

宮雲拂曙金旗列禁雪迎春玉殿開禮樂摠無三代出
衣冠遙會萬方來嵩呼共捧龍箋上鎬宴還霑栢酒廻
同覲盛儀誰更紀詞林獨有長卿才

答徐昌穀廣文

揚子脩然居學省閉門安坐日談玄共嗟朝市留真隱
轉見風流勝昔賢深巷馬嘶聞過客古臺花發動韶年

逢君却愧塵埃悞苦憶江南種秫田

出京和殷伊陽文濟

白日浮雲暗鳳城遠臣辭闕倍含情愁經異域逢春色
忍別前溪對水聲馬首東風猶自急山腰新月為誰明
與君莫近蘆溝宿水冷沙寒鴈鷺鳴

見道上老馬

霜毛凋盡錦雲斑落日長鳴大道間老去誰鋪金埒卧
戰時曾度玉門還塵沙風斷三十塞首宿秋空十二關

願取散惟終惠養敢希枯骨動君顏

過肥鄉東郭侍御于藩

曉風吹馬度清漳遙指幽林問草堂
驄馬歸來成隱逸黃鸝啼處有春光
愁多更厭干戈滿別久應憐鬢髮蒼
獨愧腐儒無所用報君將欲賦滄浪

過廣平舊邑東孫令

春風舊邑經過處城郭依然感客心
眼見故民多識面手栽新樹已成陰
郊迎父老羣相問地主仙郎日對吟

聞道近來歌杜母愧無前譽比南金

贈陸良弼赴楚雄陸舊守雲南

京國逢君更送君浮生離合類浮雲長才出衆仍為郡
久別生男已解文滇雋蒼山酬舊約循良青史繼前聞
東曹故友無多在莫遣音書滯鴈羣

答張愈光留別

淮南阻絕兵戈際冀北逢迎瘴癘餘萬里知心仍此別
他時携手定何如荒臺脩竹經梁苑匹馬孤烟度楚墟

彩服到家安穩甚早揮潘筆賦閒居


送池州施司理

長才竟失金門第大郡聊懸黑綬行
斷獄好師于定國賦詩還繼謝宣城
家山日送登樓色江水秋迴繞郭聲
土物况宜調膳美白魚青笋飯香粳

同汪希會錢塘觀潮

使君駐節錢塘口曾見江潮突兀來
雪影障天千仞白雷聲喧海兩山開
孤舟簸蕩行難穩往事銷沉去莫迴

南渡君王吟賞處
峰頭空指舊樓臺



息園存稿詩卷十一

欽定四庫全書

集部

息園存稿詩卷十二至十四

詳校官監察御史臣龔驂文

中書臣劉源溥覆勘

總校官知縣臣楊懋珩

校對官修撰臣吳錫齡

謄錄監生臣宋德鴻

欽定四庫全書

息園存稿詩卷十二

明 顧璘 撰

七言律詩

庚辰元日

諸侯王帛會長安天子旌旗下楚關
共想正元趨紫殿
翻勞邊將從金鞍滄江飲馬波
先靜黃竹迴鑾雪正乾
北極巍巍天咫尺五雲長護鳳樓寒

贈玉枕山人

石洞霞生玉枕陰，下窺南極海波深。
仙人築室虛無裏，俗子傳聲何處尋。
終歲著書藏古穴，有時清嘯落空林。
知君自愛逍遙樂，莫話人間出處心。

白羊口清泉次周太僕

碧澗清泉映地來，黃塵白草向人開。
澄心不亂秋雲色，照影還牽獨客哀。
曾洗甲兵清朔漠，擬浮舟楫望蓬萊。
賦詩亦有臨流興，攬轡慙非躍馬才。

送徐登州用中

送君相對戀殘曛鄉里衣冠最出羣
手綰虎符臨海郡腰懸龍劍動星文
行過秦嶽逢春雪望盡扶桑隔曉雲
待到政成觀蜃市新詩應許四方聞

寄壽大司徒洪洞韓公

臺省巍峩一正臣太行冰雪洗心神
雲霄羽翮迴孤鳳丘壑風流接古人
卧穩朱衣長在篋憂深斑鬢總如銀
諸郎籍籍專城貴走送瓊筵壽酒新

鮑太守新堂

鮑叔新堂泗水濱
虛簷瀟灑隔風塵
巧當竹筵開庭戶
直取雲山作主賓
病起馬卿多懶慢
位高文子亦清貧
疎簾曲几觀書地
白髮投簪興更新

宿香山寺

禪宮高起萬峰頭
曲徑幽林不可求
佛向海中移碧水
人來天上坐朱樓
垂垂星斗憑闌見
颯颯雲霓對酒愁
借取西巖明月影
直依旌旆望揚州

自香山往卧佛寺馬上作

馬首青山處處新
林間幽徑迥無塵
樓臺映水皆成畫
竹樹含煙不讓春
潦倒欲謀千日醉
昇平那送百年身
五侯歌舞歡娛地
野老憑高獨愴神

送鄭繼之歸菴峰

四月燕山雨雪寒
省郎多病復辭官
路經海上三神島
興在仙人九轉丹
玉洞桃花留笑靨
滄江秋水濕漁竿
爾家谷口空長往
安石東山望未闌

與夏德澍遊戲龍院暮歸

城郭誰知澗壑涼
秋天何似野情長
烟峰九疊迎曛紫
雲木千章過雨蒼
滿地山花清俎豆
高飛溪鳥避冠裳
同遊況有天台侶
共繞流泉話石梁

九日登巾子山

隱几朝朝愛翠微
佳辰來醉菊花卮
千門落照低秋影
萬里長雲接鬢絲
擊鼓每疑高塔動
臨崖方見古松垂
風光絕好鄉關異
北望長嗟有所思

寄趙叔鳴

澄江瀟灑散柴門暫弄漁竿玩曉昏
九鼎猶增淮海重
數篇誰賦泰山尊黃塵白浪歸心遠
藥裹書籤舊物存
與子同袍未同趣高城吟望幾銷魂

入康谷

岩巒聳兀步凌兢時有人家住翠屏
磴路盤峰雲曲曲
山田開石水層層高林落照懸餘靄
古澗流泉咽斷冰
不識前朝陵谷變獨尋殘碣問山僧

宿康谷曉歸

山寺鳴雞促曉騶
籃輿衝黑過峰頭
天低路向雲中落
霧重山如海上浮
竹葉隨時供野酌
桃花何處問漁舟
松泉滿眼行將盡
已動紅塵簿領愁

寄陳魯南

羨子談經侍石渠
雞林聲動四方初
家僮可解呼君實
監吏無勞薦子虛
紫禁花深搖委佩
玉堂雲迥下公車
新詩寄我侵騷雅
潦倒泥塗愧不如

春日遊永慶寺

城郭晴光蕩客車古岩高寺切青虛鶯花不斷人天界
龍象長依水竹居雲裏壺觴吞海色山中風物似秦餘
靈踪咫尺長難到莫怪歸遲月滿衢

遊雲峰寺

層峰行盡入巖扉石上烟霞點客衣雲淨海天諸島出
雨晴山郭亂花飛清歌送酒驚春鳥緩步尋芳帶晚暉
聞道真僧長閉戶欲來談法共忘機

謝答景伯時往歲見寄之作

移官東海已經年長憶瀟湘灑淚篇鴻鴈獨能踰嶺去
梅花何意向人妍艱危轉覺同心貴懶散空勞衆口憐

景詩云他年應自憶全州故云

齒髮似君情獨倦只應歸種汶陽田

閑居對雨憶欽佩

山館雨聲鳴不休空階野泉交互流已思吏散得高枕
無奈花發增煩憂風波中座忽反覆鄉關在望空夷猶
安得王郎共促膝一寫幽抱登江樓

補寄張司馬九月六日憶湘山寺舊遊一首

遙憶東山張太傅去年今日共離觴
清江畫舫愁中別古寺寒松夢裏蒼
黃菊再逢非舊客白頭相見定何鄉
題詩欲寄衡陽外目倚西風送鴈行

春憶野亭少傅

夷門回首限風烟
遙夜天涯有夢懸
頌德敢言三代下
受恩今憶十年前
安危海內占容鬢
貧乏山中倚俸錢
早晚上書辭郡綬
野堂還借片雲眠

寄答陶世和

十年京洛事堪傷
歸卧稽山鬢髮蒼
祖德未忘陶靖節
鄉賢還見賀知章
龍墀舊疏今誰記
虎榜同人倍有光
珍重寄書秋又晚
夫容零落滿溪霜

贈別冀承忠

搖落空山獨送君
十年多故嘆離羣
歸期夢隔淮南月
世事愁翻海上雲
共有深襟封舊恨
不勞寒燭引殘醺
神駒自昔非凡種
看取行囊寶劍文

正旦雪

除夜殘寒結海雲
新年瑞雪曉氤氳
梅花映閣參差見
竹葉臨窻浙滙聞
色點朝衣隨拜舞
春生農扈啟耕耘
遙思聖主西征地
椒酒傳宣遍六軍

贈別舒廣文還湘南兼寄故人二首

曾下湘臯采菊英
漫勞朋舊記微名
軒車已作三年別
城郭仍含萬里情
海畔來同河朔飲
燈前驚聽楚歌聲
浮雲世事多翻覆
莫對青山意不平

湘南山水最宜人風物蕭蕭絕世塵
磐石江清見魚影
甲峰松古長龍鱗幽栖問字吹暮火
爛醉迴船倒葛巾
舊種桃花今在否相思煩為賞餘春

補寄張司馬戊寅九月六日詩

山城菊蕊兩逢秋湘水夫容萬里愁
社稷獨懷宋司馬
神仙難覓漢留侯詩成綠野人誰寄
酒散黃金客未憂
台海東邊尋舊約不勝幽夢落滄洲

侯城里

萬壑千崖控海門，愁雲不散晝長昏。
王裒枉積林間淚，荀息難招闕下魂。
直以孤忠懸日月，不勞遺草落乾坤。
椒漿欲奠知何處，古木含風自吐吞。

一點麻衣入帝庭，九天風雨晝冥冥。
雲迷杜宇遊魂黑，草染萋弘野血青。
四海衣冠收節槩，萬年宗社屬神靈。
英雄已去心難死，長倚南箕化列星。

同李別駕登中峰

臘月已去正月歸，梅花滿林飛漸稀。
海峰積雪白壘壘。

江樹映日寒輝輝丘壑對筵須縱酒朝廷旋凱正垂衣
台南物色殊堪賴秉燭題詩興莫違

辛巳元日回風亭作

元日東風花氣香即看蝴蝶過茆堂山含碧霧霏霏色
時隔丹霞閃閃光楚水旌旗收戰略漢廷誅賞布王綱
何時栢酒開春甕醉舞斑衣白髮傍

春日與客宿金山二首

江上春山青可憐角巾同泛過江船峰光不起通人徑

海色平鋪到酒筵，烟月光搖洲樹動。
風濤聲撼石堂懸，驅馳久恨妨清興。
徒倚廢知廢，夜眠

靈峰為愛及春遊，冉冉風烟數倚樓。
海上帆檣夷夏接，江間臺殿古今浮。
行逢嘉樹韶華動，坐傍高雲客思愁。
鐵甕不孤開大府，紫宮遙拱對神州。

答周觀察獨泊焦山

江心高嶂擁青鬢，美爾維舟紫翠間。
明月滿山春淡淡，長風吹浪夜潺潺。
寒罷下抱孤根宿，獨鶴遙橫別島還。

悵望烟蘿虛勝踐滄波愁為洗塵顏

過揚州有感

前年客棹經芳甸武帝龍旂爛錦川
北日蕪城仍對眼五湖雲水共淒然
春光泛灩璫花月旅思纏綿碧草煙
俛仰不堪陵谷變白頭嗔坐向江天

飲凌谿新園

二月揚州淑景新西園花月解留人
仲長樂志因逃祿潘岳閒居遂奉親
行坐不離醒酒石逢迎俱是問奇賓

看君種樹今盈尺會見敬簷合抱身

沛上懷古

漢祖還鄉歌大風高臺提劍氣成虹闕西父老三章約
垓下河山百戰功祇見粉榆生故社屢聞鷄犬變新豐
經過又是高陽侶醉折桃花薦酒紅

送牛總兵赴貴州

當朝卻殺寂寂知名開府西南握重兵白社分茅專節制
烏蠻鎖甲避先聲威行銅柱提封遠官插金貂閱閱榮

更憶雅歌同讌語儼然風度古儒生

天津喜雨二首

赤旱彌冬復度春
今晨飛雨落江津
雷聲出地喧羣螿
雲氣行空走百神
即有鸕鷀矜水影
尚餘麩麥感皇仁
迂儒破悶開金盞
捲幔憑闌晚興新

靈雨乍破風靈昏
灑空胡不即翻盆
林花一洗仍春色
川漲初來已舊痕
沂浪同時缺泛泛
呷泥無數燕翻翻
羣情共荷桑林禱
剪爪齋心慰至尊

贈李一之都閩

將軍心膽向人傾，緩帶垂腰玉劍橫。
韜略全過漢飛將，交游半是魯諸生。
風江畫楫春同遠，月席金杯夜更清。
莫道腐儒渾落魄，醉深猶自索談兵。

贈張含還金齒

上國遙携愛弟來，人傳二陸總奇才。
承家文學豈易得，失意天門仍暫回。
馬色飛雲開萬里，劍光衝嶽照三台。
堪憐南去風流遠，咏盡寒齋蠟炬灰。

桐江夜行

畫舫懸燈一水遙
爐烟相伴坐良宵
江雲掠幔寒仍重
山月垂波靜不遙
豈有風猷宣列郡
漫輸心膂答清朝
嚴陵灘上垂欽石
猶見殘星動紫霄

重過嚴陵釣臺

千年釣叟披裘地
客子張帆兩度過
朱紱頻經風雨後
青山其奈古今何
松杉落落連祠屋
蘋藻馨馨滿澗阿
嘆息雲臺諸將相
幾人圖像獨差我

衢州道中呈子賢憲僉

江上相逢衣繡客青雲高况映霜天玄談屢接清尊酒
麗藻初傳寶劍篇長路羣山催染翰中流明月照行船
淮南桂樹空搖落歲暮天涯共惘然

雪後泛湖和周子賢

西郭羣峰積雪寒畫船湖上倚蓬看樓臺隱見青松色
蘆荻蕭條白鴈灘沉醉放歌新歲始陽春和曲古來難
期君盡訪山中寺細草微風石路乾

登南屏山絕頂

霧壁霞岑路有無
下窺平地散江湖
青天咫尺星辰濕
滄海周迴島嶼孤
吳越向來悲粉黛
乾坤何處覓蓬壺
清尊坐接流雲飲
白日蒼茫對畫圖

江西亂後侍御朱守忠檢勘公牘還會余會稽感
事羨才敬贈短律

柱史西行早却回
觀風幾夜宿霜臺
江山滿目生春草
城闕傷心變劫灰
諫疏直論天下計
班行真見古人來

共知吳漢千黃鉞，祇恐無辜潤草萊。

寄許州七弟璵

千官扈從羨能文，謫牧新聲天下聞。
落魄吾家蘇季子，風流南郡小馮君。
魚龍路怯黃河險，鴻鴈聲愁碧海分。
莫上吹臺瞻越嶠，五湖回首隔重雲。

同涂明府遊南明山石佛寺

背郭巖深洞戶重，風迴雲竇裊寒鐘。
相邀縣令飛鳧鳥，同上仙人玉局峰。
溟海倒空浮日月，台山分壑走蛟龍。

金史曰三言
卷十二
期吟勝槩題僧壁倚遍前林四五松

入鴈山二首

落日雙旗度竹村靈峰歷歷引輶軒秦人避地空桃水
謝客開山自石門松枯藤稍俱刺眼斷崖巉壁易銷魂
捫蘿欲上招提宿轉見雲深細路昏

春歸幽谷見桃花問訊安期海上家石壁虛無通鴈蕩
星河漂轉坐龍槎林香定有千年藥雲起皆成五色霞
且訪名山消俗慮未論勾漏隱丹砂

風洞

幽澗泠泠洞壑哀靈風不斷石門開鯨波直撼三山動
鵬翼遙搏萬里來日落餘寒飄大野酒醒孤嘯發層臺
披襟擬賦青蘋色慙愧同遊宋玉才

靈巖寺

削壁迴巒翠且重寺門雲霧畫濛濛銀河暗注蒼龍水
玉女高樓白鴈峰僧住寒巖殊寂莫客遊春日倍從容
侵晨車馬還城邑漫指層林憶舊蹤

石梁寺

陰洞龍宮鎖石梁寶珠中夜有虹光千章古木藏風雨
六月飛泉灑雪霜逝水年華流不盡孤雲禪觀澹相忘
坐露空翠清毛髮絕勝醍醐灌頂涼

能仁寺

竹樹煙生暮景沉西巖高閣迫難尋幽溪錦石垂花麗
古殿寒雲接海陰荒徑散分燈火亂春山數勸酒盃深
經過勝地渾難並不負幽人十載心

龍湫

龍湫之水從何來崑崙倒注青天回絕壁風吹動高練
暗潭石轉喧晴雷終年野僧對閉戶暇日老翁來洗盃
酒酣且去莫狼籍玄猿瞰客啼聲哀

宋陵

玉輦橫江一葦通青山聊此鑿玄宮兵戈不救長河外
劍履終沈瀚海東末路強胡休自得中興諸將果誰雄
當年定鼎虛籌策千古愁雲泣梓桐

登卧龍山閣

飛閣凌空爽氣清
半巖欄檻壓高城
天分嶽鎮千峰合
海圻江湖萬派明
共喜泛霞來送酒
便須乘月坐吹笙
仙人宛在金銀闕
不見秦皇石路成

遊陽明山

澗道橫遮松栢林
紫泥遙護洞天深
香爐絕頂應須到
石傘遺銘尚可尋
禹穴久疑神聖跡
秦碑堪痛霸王心
往來身外無窮事
不及當歌酒滿斟

岳墳

玉歷將窮宋鼎移
長江東下水如馳
皇輿播越邊塵暗
歲幣和親國論危
殿陛有讒難自拔
英雄無主竟何為
厓山海色連天盡
精衛空啣萬古悲

約遊天台不果緬懷周觀察已遂高躋用寄

不到天台古石梁
羽衣金節閉雲房
塵埃實少神仙分
藥草虛傳服食方
海日弄光開曙早
城霞懸采建標長
聞君直到華峰頂
倚醉題詩獻玉皇

贈王唯忠赴江西左轄

昂藏雲路識英雄，薄俗浮沉耻見同。
南楚蒼生今有主，中朝清論總歸公。
松筠歷歷冰霜節，竹帛明明社稷功。
白髮同袍悲聚散，一尊愁對海潮東。

乞骸後奉答周觀察子賢

燕河舟楫三春水，浙路旌旄十郡山。
海內交情傾蓋晚，江南歸思乞骸還。
青霄氣偃松杉老，丹壑秋深杞菊斑。
祇恐遠遊辭膝下，敢云高舉出人間。

慶禮畢辭朝口號

曉漏遙辭丹鳳門
爐煙近對紫雲軒
金函拜表趨王會
玉饌宣筵識聖恩
宮花影轉千官肅
海日光臨九極尊
願使遠臣分岳牧
長瞻明主正乾坤

贈大司徒秦公入朝

寰宇大名懸日月
台階高步絕雲霄
新遷天上司徒貴
重惜周南建節遙
劍履班齊黃閣老
威儀光映紫宸朝
從今畫省歌財阜
長倚薰風和舜韶

遥和太宰喬公致政

赤寫飄飄別帝鄉
高風肅肅動朝行
天曹藻鏡還多士
國典著龜祇舊章
安石山中聊獨卧
温公天下竟難忘
惟憐杖履追游客
各自烟霞老一方

息園存稿詩卷十二